

4. Edition

Dis sint die artikel, wie markg(ro)fe Iost von Merhern und die lantherren von Behem umbe hant gangen mit unserm gnedigen herren, dem röm-schen künge:

Zum ersten: Item, das der künig sante noch markg(ro)fe Iost und
 5 noch den lantherren, das sū zū ime kement gen Proge und wolte do
 markg(ro)fe Iost und markgrofe Brocop versünen und richten, umb das
 daz dz lant nūt verdürbe und underginge. Und also kement markgrofe
 Iost und die lantherren gen Proge und enbuttend dem künge, das sū do
 werent, und do enbot in der künig, das sū kement zū ime zum Betler. Do
 10 enbuttend ime die herren widerumbe, es wer in nūt gefügich, wenne es
 werend böse herbergen do, das sū nūt alle gestellen möchten zum Bettler
 und woltend gerne komen gen Berne, öbe es ime gefügichen were. Und
 do enbot in der künig, er wolte gerne komen zū in gen Berne. Und als-
 bälde der künig befant, das die herren zū Berne worent, do sprach er zū
 15 sinen dienerin: „Blibent alle hie, ich wil alleine riten zū den herren und
 wil nochhar wider zū ūch komen“, und sasz uff einen wagen und für eins
 farendes gen Berne in markgrofe Iosts herberge. Do worent die herren alle
 inne by einander und do hiessent in die herren alle wilcome sin und gebent
 ime zū trinkende, und do worent sū ouch alle bereit zū ritende und spro-
 20 chent zū dem künge: „Gnediger herre, wir bittent ūch, das ir mit uns
 ritend gen Proge, wenne wir herberge hie nūt haben mögent und wellent
 ūch do underweisen, das ūch, uwer m lande und der kronen zū Behem
 nützlichen und erlichen ist.“ Do sprach der künig: „Ich wil es gerne tūn,
 ritend dar, ich wil morne frūge by ūch sin.“ Do sprochent sū: „Herre, es
 25 mag nūt sin. Wir bittend ūch, das ir mit uns ritend.“ Do sach der künig
 wol, das er riten müste, und sprach: „Langent har die pfert, ich wil es ge-
 nerne tūn.“ Und do rittend und jagetend sū mit ime, was sū geriten möch-
 tend umze gen Proge. Und do er gen Proge zū der stat kam, do wolte er
 in die stat sin geritten in sinen hoff. Do sprochent sū: „Herre, ir müssent
 30 hieher dan“, und fūrtend in uff das husz und sluszend das husz zū und
 hattent das husz ouch vor und noch wol bestellet und besast, die lanther-
 ren, und jagetend alle sine diener von ime und sprochent: „Wolhin, ir
 būben, ir sölent unserm herren nūt mer dienen; wir wellent ime basz die-
 nen denne ir.“

35 Item des morgens, do besantend die lantherren die öbersten burger von
 der stat zū Proge und bortend sū, das sū uff das husz kement zum künge.
 Und do die burger uff das husz komend, do giengent sū für den künig
 und für die herren und do sprochent die herren zū den burgerin: „Lieben